



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Henricus Abbas XXIX.

[urn:nbn:de:hbz:466:1-64362](#)

annum 1334, quo vitam cum morte commuta-
vit. Habebat ille litem cum Hermanno & Eber-
hardo de Thynwald, quâ de sylva Lichtenwald
disceptabatur, postmodum pia Eberhardi sylvam
nobis ultrò offerentis liberalitate compositam:
præterea Dimbacensem Ecclesiam hortante Wolff-
ramo Episcopo Herbipolensi extruxit, qui &
confirmatis omnibus privilegiis nostris Parochiam
in Gerlachshausen, cuius jus Patronatûs, ut vo-
cant, pridem ad nos pertinebat, Monasterio tra-
didit.

HENRICUS ABBAS XXIX.

Secundus Monasterii nostri hoc saeculo Ab-
bas Henricus fuit, pietate in Superos, intemera-
tam præprimis Dei Genitricem nulli secundus.
Ex quo enim Abbatiali illum dignitate unanimis
suffragiorum consensus ornavit, anno scilicet
1334., multa suæ in B. V. pietatis specimina de-
dit: Duos ex Monasterio nostro in Dimbach sem-
per commorari voluit, qui Divini & Mariani cul-
tûs officia ritè obirent; hos autem licet extra Mo-
nasterii septa versantes, à disciplinæ religiosæ
norma

norma neque in vietu neque in vestitu discedere debere præcepit; pari pietate duas singulis annis ad locum hunc Processiones, ut dicimus, nostro ex Monasterio, alteram pridie Annuntiatæ, in Vigilia Assumptæ Virginis alteram duci mandavit. Monasterium Curæ suæ commissum habuit annis 5, anno 1339. viam universæ carnis ingressus.

CONRADUS I. ABBAS XXX.

Quod in publica re accidere sæpe videmus, Cives, nullis hostibus urbium tranquillitatem perturbantibus, seipso atterere & consumere; illud Conradi Abbatis temporibus nostro etiam Monasterio evenisse comperimus: Erat hoc omni hostium metu solutum, & optatâ pace fruebatur; &, ecce tibi! Sinon aliquis ex Religiosis unus, si tamen Religiosum eum dicere fas sit, tantas turbas concitavit; ut Conradi Abbatis dignitas & Monasterii salus in præsentissimum adducerentur discrimen. Ex arrogantia hominis, supremam in Monasterio dignitatem ambientis, mala omnia proficiscebantur; Monachorum partem alteram suas